

DIE X. NOVEMBRIS,

49 336

IN FESTO

S. ANDREÆ AVELLINI,

CLERICI REGVLARIS.

SEMIDUPLEX.

*Omnia de communi Confessoris
non Pontificis primo loco, præ-
ter ea, quæ sequuntur.*

IN II NOCTURNO.

Lectio iv.

ORATIO.

Deus, qui in corde Bea-
ti Andreæ, Confes-
soris tui, per arduum
quotidiè in virtutibus profi-
ciendi votum, admirabiles ad
te ascensiones disposuisti: con-
cede nobis, ipsius meritis, & in-
tercessione, ita eiusdem gratiæ
participes fieri, vt perfectiora
semper exequentes, ad gloriæ
tuæ fastigium foeliciter perdu-
camur. Per Dominum, & c.

IN I. NOCTVRNO:

*Lectioes de Scriptura occur-
rente.*

ANdreas Avellinus, dictus
antea Lancellottus, apud
Castrum Novum, Lucaniæ pa-
gum, natus, inter ipsa infan-
tiæ primordia, futuræ sanctita-
tis non obscura præbuit indi-
cia. Adolescens ad litteras ad-
discendas paterna è domo e-
gressus, lubricam illius ætatis
semitam inter bonarum artiũ
studia ita peregit, vt sapientiæ
inãtium, quod est timor Do-
mini, ob oculos potissimũ
habere nunquam prætermise-
rit. Cum egregia proinde for-
ma eximium castitatis studium
coniunxit, quo impudicas sepe
mulierum insidias elusit, in-
terdum etiam apertam vim
pro-

propulsavit. Clericali militiæ iampridem adscriptus, Neapolim se contulit, vt legalibus disciplinis vacaret: ibique Iurisprudentiæ lauream adeptus, atque interea ad Sacerdotalem dignitatem euectus, causarum patrocinia in foro dumtaxat Ecclesiastico, proque privatis quibusdam personis, iuxta Sacrosanctum Canonum sanctiones, agere cœpit. Verùm cum aliquando inter causam agendam leve ei mendacium excidisset, mox verò fortuita sacrarum Scripturarum lectione in illa verba incidisset: Os, quod mentitur, occidit animam; tanto eius culpæ dolore, ac poenitentia correptus est, vt statim ab eiusmodi vitæ instituto sibi recedendum esse duxerit. Itaque, abdicatis forensibus curis, se totum divino cultui, sacrisque ministerijs mancipavit: cumque Ecclesiasticæ virtutis exemplis emereret, Sanctimonialium regimini à tunc existente Archiepiscopo Neapolitano præfectus fuit. Quo in munere cum pravorum hominum odia subiisset, primò quidem intentatæ sibi necis

periculum declinavit: mox verò per Sicarium tribus in facie acceptis vulneribus, iniuriæ atrocitatem æquo animo pertulit. Tunc perfectioris vitæ desiderio flagrans, vt inter Clericos Regulares adscriberetur, suppliciter postulavit: votique compos factus, ob ingentem, quo æstuabat, Crucis amorem, vt sibi Andreæ nomen imponeretur, precibus impetravit.

¶. Honestum, &c.

○ *Lectio v.*

ARTIORIS itaque vitæ curriculum alacri studio ingressus, in eas maximè virtutis exercitationes incubuit, ad quas sese arduis etiam emissis votis obstrinxit; altero scilicet, suæ ipsius voluntati iugiter obsistendi, altero verò in via Christianæ perfectionis semper ulterius progrediendi. Regularis disciplinæ cultor assiduus, & in ea promovenda, cum alijs præesset, studiosissimus fuit. Quidquid ab instituti sui Officij, & Regulæ præscripto supererat tēporis, orationi, & animarum saluti tribuebat.

buebat. In confessionibus ex-
cipiendis mira eius pietas, &
prudencia enitu it: vicos, & op-
pida Neapoli finitima Evange-
licis ministerijs magno cum
animarum lucro frequens lu-
strabat. Quam ardentem er-
ga proximos sancti viri chari-
tatem signis etiam Dominus
illustravit. Cùm enim intem-
pestâ nocte ab audita Ægri
confessione domum rediret,
ac pluvie, ventorumque vis
prælucentem facem extinxif-
set, non solum ipse cum focijs,
inter effusissimos imbres, nihil
madefactus est, verum etiam
inuitato splendore, è suo cor-
pore mirabiliter emicante, so-
eijs inter densissimas tenebras
iter monstravit. Abstinentiâ,
& patientiâ, necnon abiectione,
atque odio sui summopere
præstitit. Necem fratris filio il-
latam imperturbato animo tu-
lit, ac suos ab omni vlciscendi
cupiditate compescuit, immò
etiam pro interfectoibus o-
pem, & misericordiam Iudi-
cum imploravit.

Æ. Amavit eum, &c.

351
Lectio vi.

PLuribus in locis Clerico-
rum Regularium Ordine
nem propagavit, eorumq; do-
micilia Mediolani, & Placen-
tiæ instituit. Illius operam S.
Carolus Borromeus, & Paulus
de Aretio Clericus Regularis
Cardinales, quibus erat acce-
ptissimus, in Pastoralis mune-
ris curis adhibuerunt. Deipa-
ram Virginem singulari amo-
re, & cultu prosequabatur.
Angelorum colloquio perfrui
meruit: quos, cùm divinas lau-
des persolveret, è regione
concinentes se audisse testatus
est. Denique post heroica vir-
tutum exempla, Prophetiæ
quoque dono illustris, quo &
secreta cordium, & absentia,
& futura prospexit; annis gra-
vis, & laboribus fractus, ad
Aræ celebraturus, in verbis
illis tertio repetitis: Introibo
ad Altare Dei, repentino apo-
plexiæ morbo correptus est:
mox Sacramentis ritè munitus,
placidissimè inter suos animâ
efflavit. Eius corpus Neapoli
in Ecclesia S. Pauli ad hæc vsq;

tem.

4
tempora eo frequentissimo
Populi concursu colitur, quo
fuit elatum. Illum denique in-
signibus in vita, & post mortē
miraculis clarum Clemens XI.
Pontifex Maximus solemnī

ritu Sanctorum Catalogo ad-
scripsit. *¶. Iste homo, &c.*

IN III. NOCTURNO.

Homilia in Evang. Sint Lumbi

VRBIS, ET ORBIS.

Sacr. Rituum Congregatio, annuente Sanctissimo Domino No-
stro BENEDICTO PP. XIII. benignè indulsit, atque concessit,
ut Officium, cum Lectionibus ii. Nocturni proprijs, & Oratione S.
Andrea Avellini, iam pro Clericis Regularibus Theatinis die 19.
Augusti 1719. approbatum, in posterum ab omnibus utriusque se-
xus Christi fidelibus tam Secularibus, quàm Regularibus, qui ad
horas Canonicas tenentur, die decima Novembris, sub ritu semi-
duplici recitari, & Missa respectivè celebrari debeat. Die 7. Julij
1725.

F. Card. Paulutius Præf.

Loco ✠ Sigilli.

N. M. Tedeschi Archiepiscopus Apamienus Sacr. Rit. Cong. Secr.